

۱۶ ربیع الاول ۱۳۳۲

پنجشنبه

۳۰ کانون ثانی ۱۳۲۹

عدد — ۸۳

امور اداره و تحریریه و اعلانات و ساژہ
ایچون مدبر مسئلہ مراجعت ایدملیدر.

صرفای امتک مقالات منصوفانه لرینه
جرید صوفیه تک صحیفه لری آچقیدر .
درج ایدلیان اوراق اعاده ایداز .

جریدای صوفیه

شیمدیلک هفته ده بر نشر اولنور .

نسخه سی ۴۰ پاره در

ابونه سی : بر سنه لك اعتباريله ممالك
عثمانیه ایچون ۴۰ آلتی آیلنی ۲۵ فروش
وممالك اجنیه ایچون اون ایکی فرانقدر

محل اداره باب عالی جوارنده ابوالسعود
جاده سنده نجم استقبال مطبعه سی

تصوفی ، دینی ، اخلاقی ، سیاسی جریده اسلامیة در

بر مباحثه

کچنلرده ، بر یرده طریق فیض رفیق مولوبنک بمض ارکانی ، آیینی ایچین علمیه دن بر ذات اعتراضانده بولنش ایدی . او مجلسده موی الیه مناسب جوابلر ویریلدیکی کی دها زیاده اعطای تفصیلاته زمین و زمان موافق اولامدیغندن آئیده جریده فریده صوفیه الیه اوزون اوزادی به جواب ویره جکمی وعد ایشلدم . بناء علیه او اعتراض فقیری - علاقه دار بولمقلم اعتبارله - نحوی و تدقیق حقایقه سوق ایتدی . عجزمی اعتراف الیه برابر پک جوق تهریاده مطالعاتده بولوندم . نتیجه بی شوبله جه عرضه شروع ایلدم . تکابای مولوبده آلات مطربه الیه اجرای آینک بمض فقها حرمتنه و بعضاری خانه قائل اولمشلردر . نه کیم معترض موی الیه فتاوی بزازیته نک شو ، نی وملای اصواتی استماع حرامدر علیه الصلاة والسلام افندمن حضرتاری (ملاهی استماعی مصصیت ، وملای استماعی ایچون بر یرده قائل فسق ، وملایله تلذذ کفردر) بیورمشدر . چونکه انسان جوارح و اعضاسنی ماخلق لهک غیریده بولندرمق کفران نعمت اولوب شکر دکلدر . بوباده استماع ملاحیدن اجتناب اکید آواجبدر ، عبارله لرله اعتراض ایتشدی . شمدی ، کرک حدیث شریفده و کرک افاده بزازیته ملاهی قیدی اعلان ایدیورکه حرام اولان استماع طاعات مفروضه دن انفکاک الیه قائمدر . مثلاً انسانی نماز دن آلیقویان و یاخود زنا و بونک کی سائر مصصیت محرمه الیه اشغال ایدن استماعدر بوقسه لهو مطلق اولهرق حرام دکلدر . چونکه ملاهینک حلال اولان جهتلری ده واردر . لهویانک تحریمی ، بالکثر مجالس فسقه کی انواع کبائر و محرماتدن بر نوعه مقترن اولان کبائردر . شمدی مسئله بی براز عقلی و منطقی اولهرق محاکمه ایدم . جد عالی تبارم جناب پیر دستیکر حضرت مولانا افندمن اعظم فقهایی اسلامیه دندر . مثنوی شریفی ایسه مفز قرآندر عرفان و علم ولایتناهی لرینه حدود یوقدر . بناء علیه نه دن مثنوی شریفی :

« بشنوازی جوق حکایت میکند ، از جدایها شکایت میکند ، بیت عالیه باشلامشدر ؟ ثانیاً ، علمای ظاهره عندنه بیله بر موقع بالاترینی اولان جناب ملاجامینک بر غزلنده :

« چیست میدانی صدای چنک دهد » « انت حس انت کاف یاردرد »
 بتی تغنیک علوبتی هر زمان اعلا ایدن نفحات اولیادرکه مستغنی
 ایضا احدر . دلائل شرعیه به کلامه : عبدالله ابن مطلب رضی الله عنه
 افندمزدن مرویدرکه علیه الصلاة والسلام افندمن حضرتاری (الهوا
 والعبوا . . . الخ) بیورمشلردر . یعنی اکلنکر ، اوبنایکزدنیکزده
 غلظت و درشتی کورمکی کریمه عد ایدرم .

بغداد تاریخنده خطیب ، عبدالله ابن سعید ابن کلمردن روایت
 ایدم رک شوبله دیمشدر . ابراهیم زهری موصلی یوز سکسان درت
 تاریخنده عراقه کلشدی . خلیفه هارون الرشیدک فوق العاده حرمت
 ورعایتنه مظهر اولوب تغنیک مباح و حلال اولدیفنه فتوا ویردی .

اوصره لرده استماع حدیث ایچین یانسه کان محدثندن بری ابراهیم زهری بی
 تغنی ایله مشغول بولونجه حدیث ایدوب سندن حدیث استماعنه پک حریص
 ایدم ، لکن بوندن صکره حدیث ایشتمکی آرزو ایتم دیوب کیتمشدر .
 بونک اوزرینه ابراهیم زهری ، بغدادده بولندیم مئنده اولجه تغنی
 ایتدیکجه هیچ بر کیمسه به حدیث روایت ایتیمه جکمه . بین ایتدم دیر .
 بو وقعه بغدادده شیوع بولوب هارون الرشید قدر واصل اولور .
 هارون الرشید ابراهیمی دعوت ایدوب بر سرعت ماده سندن طولانی
 برای اعطای حکم بعض حدیث شریف سورار و آره لرده شو وجهله
 بر محاوره جریان ایدر :

ابراهیم زهری - اولاً افندم فرمان بیوریکزد ، بر عود کتیرسوندر .
 هارون الرشید - نه ایچون ایسته یورسکزد ؟
 ابراهیم - تغنی ایچون خلافتناهم .

(ابراهیم ، هارون الرشیدک تبسمندن انتقال ایتکله)

ابراهیم - مسموع عالی شو کتینهایری بیورمشدر دونکی کون
 اوسفیه حریفک کلامی داعیکزی تغنی ایتدیکجه حدیث روایت ایتماک
 یمینه الح ایتشدی .

هارون الرشید - اوت ایشتم (دهرک برعود کتیر بلسنی امرابدر .
 ابراهیم عود ایله :

(یا ام الطلعه ان الین فدا فدا قل القرار لئن کان الرحیل فدا)

صورتیه تغنی ایتدکدن صکره روایت حدیثه باشلار .

هارون الرشید - فقها کزدن تغنیک حرمتنه قائل اولان کیماردر ؟

ابراهیم - حق طرفندن حیاتی باغلامش اولانار .

نه قدر رنگین جواب ابراهیمک احکام شرعیه به مخصوص اولهرق
 اون یدی بیک حدیث شریف بیلدیکنی مننی ایله خطیب حکایه
 ایتشاردر . مشارالیه احادیث شریفی بالخاصه ابواسحقدن اخذو حفظ
 ایشلدر . بخاری ده مسطوردر . فقه دن ، ارباب عدل دن اولدیفنه اتفاق
 واردر . امام شافعی ، امام احمد ابن حنبل ، کتب صحیحه اصحابی مشار
 الیه دن حدیث تاقی ایتشاردر . شک یوقدرکه مشارالیهک حدیث روایتندن
 مقدم عود ایله تغنی ایتیمی خصوصیه حضور هارون الرشیده حدیث
 فخر کائناته مجرد تعظیم ایچوندر . چونکه ، روحک غلبانی صوت لطیف
 ایله حصول بولور تعظیم ایسه روحک فوران و فعالیتله دها زیاده اجرا
 اولنورکه نشانه وجد واستغراقدر . ابن قتیبه وسائر لری حکایه ایدرلرکه .
 امام اعظم ابو حنیفه حضرتارینک همروه اسمنده بر قوم مشوسی هر کیجه :
 اضاعونی وای فی اضاعوا - لیوم کریمه وسدادنر

بتیلله تغنی ایدر وحضرت امام دخی دیکلرمش . بر کیجه میعاد
 حلول ایتدیکی حاده تقنیدن بر اثر ظهور ایتیمجه مرقومک زده بولندیفنه
 واقع اولان سؤالنه ، کیجه سواقاقده بولمقله ضابطه طرفندن طوبیلوب
 امیر عیسی نک توقیف خانه سنه حبس ایدلیدیکی سویلرلر . حضرت امام در عقب
 امیرک یانه کیدوب قومشونک تخایه سنی ایستر ، امیر قومشونک اسمنی

استماعی نمودن جائز اولیور . ینہ براز اولجہ عرض ابتدیکم کی سوء استعمالانہ اوغرار . سلات وصومہ مانع اولور قیدیلہ استماع لهویات عند فتہادہ تجویز ایدلہ مش فقط صرف مجالس فسقہدہ .

فخرکائنات صلی اللہ تعالیٰ علیہ وسلم افندمن حضرتلری بمض غزواتن سالماً وغائماً عودت بیوردقاری زمان دفلرلہ استقبال اولنوب اعلان سروہ وشادمانی ایدیور ایدی .

فخرکائنات آناری اوحالندن منع بیورمشاردر . ابشته بوخبر و سکرہ ذکر ایدہ جکمز بمض روایات صحیحہ فخرکائناتک دف صداسی استماع بیوردقارینہ دلیل اولدبندن تننیک اباحتہ بتون مناسیلہ مثال اولیور .

واقعیوقاریدہ عرض اولندینی کی لهویاتک استماعی تحریم ایدیلشدر . فقط افادہ بزازیہی تعبیق و تحویل ایدرسہک کورورزک (استماع) کلمہ سی مطلق ذکر اولتمہ یوب (ملاہی) قیدیلہ تقیید ایدیلشدر . مختصر محیطدہ مسطوردرکہ نی وسائر ملاہی صوفی استماع حرامدر . لکن بقتہ ابشیدن انسان مذوددر . اما لہو طریقہ اولیورق تننی ایتمکدہ بآس یوقدر . حسن ابن زیاددن سرویدرکہ نکاح و عروس جمیترندہ دف چالغہدہ غذور اولہماز . خلاصہ کتب فقہیہدہ ملاہی استماعک تحریمی (لہو) قیدیلہ مقید بولندیفندن (لہو) طریقہ اولہماق اوزرہ استماع تننی مباحدر . بناء علیہ کتب فقہیہدہ فقہاجہ مجمع علیہ بودر . معترض موی الہ کی اعتراض ایدنر وارایہ فقہ کتابلری برردفہ اوقومالیدرکہ حقیقت بتون عریانغیلہ سرغای طور اولسون . چونکہ علیہ الصلاة والسلام افندمن حضرتلری غزوات مبارکدن عودتارندہ - یوقاریدہ عرض اولندینی اوزرہ - بنات نجارثیہ الوداع نام محلہ جیقہرق الارندہ دف اولدینی حالہ :

طلع البدر ملینا من ثبات الوداع
وجب الشکر ملینا مادامہ دامی

یتلریلہ اعلان سرور وشادمانی ایلرلر ایدی . بوندن ماعداحضرت عایشہ دیگر برحدیثندہ بیورمشدرکہ یاغمدہ ایکی جارہ تننی ایتمکدہ ایدیلر فخر کائنات علیہ الصلاة وسلم ایجری بہ کبردی ویتاق اوزرینہ اوزانوت یوزینی چوریدیلر او صرہدہ حضرت ابوبکر الصدیق رضی اللہ عنہ ایجری کیروب بنی تکبیر ایتک ایستہدی علیہ الصلاة وسلم (براق حالرینہ) بیوردیلر بونک اوزرینہ فخر کائنات علیہ الصلاة وسلم اوبونجہ جناب ابوبکر اشارتی اوزرینہ جارہ لر جیقوب کیتدیلر . خلاصہدہا یوزلرچہ امثال وارددرکہ ہسیدہ اعظم اسلامیدن سرویدر . بناء علیہ آلات مطربہ و تننی استماعی تحریم مجالس فسقہ و عیش و عشرت مجلسلرینہ عائد اولمفلہ بولنردن غیری استماع تننی مباحدر .

بناء علیہ تکایای مولوبہدہ نی ودف الہ سماع ودوران اجرا اولنور اورادہ کی آلات مطربہ استعمالی طریق علام الغیوبیدہ تطیب قلوب و تشیط سولک ایچوندنر . بناء علیہ او مجلسک شرف و علوننی ہیچ بر

سورار حضرت امام اسمعی سولر سہدہ مخلفنی بیلہ من ، امیر درحال حبس خانہدہ نہقدر حمروہ اسندہ موقوف وارایہ ہینک تخیلہ ایدلسنی امر ایدر . حضرت امام موقوفین میانندہ قومشوسنی کورونجہ (اخفناک یافنی) یعنی سنی غائب ابتدک سوریلہ لطیفہ ایدر قومشوسنی خایر افندمن نی محافظہ بیوردیکز جوابی ویرر .

ایشته شو حکایہ امام اعظمک تننی استماعی وقومشوسنی تننیدن منع ایتمکاری متضمن اولمفلہ تننیک اباحتہ دلالت ایدر . چونکہ حضرت امامک زہد وقویہ اعتنای تامیلہ برابر ہر کیجہ تننی استماع ایتمی اباحتدن بشقہ برشیہ حمل اولنہماز اما حضرت امامک شوغلانہ مخالف اولارق تننیک جوازی حقندہ کی اقوالی زنا و شرب خمر کی محرمانہ تقریب ایتمہ مالیدرکہ مشارالہک قولی الہ فعلی بینی توفیق ممکن اولسون .

ابوالفرج الاسفہانی کتاب الاغانی دہ شویلہ حکایہ ایدر . : امام ملاک ابن انس حضرتلری باشی بخرمہدن اوزادوب سہوقندہ کچن برشخصک تننیک خطاسنی تصحیح ایدنی . شخص سرقوم تکراری رجا ایدوب حضرت امام دیدیکہ شاید سکا سوراجق اولورسہ (امام ملاک ابن انسدن تعلیم ایتم جوابی ویر) دیمشدر .

مناوی : طبقات اولیادہ طرسوسیدن طبرانی واسطہ سیلہ عبداللہ ابن امام احمد ابن حنبلہ متصل سندات الہ روایت ایدرک شویلہ ذکر ایتمشدر . عبداللہ برذات الہ پدرم آرمندہ آئیدہ کی محاورہ نک جریانی ایستمد دیمشدر .

ذات — بوصوفیہ کروی . علمدن بی بہرہ اولارق بویلہ متوکلانہ مسجدلردہ اوطورورلر ؟

پدرم (یعنی حضرت امام حنبل) — اوناری اوصورتلہ مساجدہ اقماد ایدن علمدر .

ذات — بونلرک اجل ہمتاری لقمہ الہ خرقہ نہ منصرفدر ؟

پدرم — صوفی سیرندہ بولنارمذودرلر ، بونلرک اوخصوصہدہ کی عذرلرندہ اعظم برعذر کورہم .

ذات — بصوت ایتمکاری کی ہان رقصہ قیام ایدرلر ؟

پدرم — انتری سلتہ براق وارسون رہاریلہ فرح بولسونار . سبکی ، طبقاتندہ اسماعیل مزنی نک ترجمہ حالندہ ذکر ایتمشدرکہ : برکون مزنی ، امام شافعی . ابراہیم ابن اسماعیل ابن علیہ اوچی برلکدہ برخانہ جوارندن کچرکن مذکور خانہ جارہ لرندن برینک :

«خلیلی ما بال المطايا کانتا — تراها علی الاضباب باقوم نکس»

بینی اورادہ اجتماع ایتمش اولان برجمیہ تننی ابتدکنی ایتمکدہ حضرت امام شافعی رفقاہنہ کلکز دیکلہم . براز سوکرہ جارہ سکوت ایتمکدہ ابراہیمہ خطاباً تننیدن سکا برتأثیر وطرب حاصل اولیورمی دہ صورقدہ ابراہیم خیر اولیور جوابی ورنجہ اولہ ایسہ سندہ حسن بوقش جوابی ویرمشدر . کوریلورکہ ائمہ اربہ حضراتی تننی استماع ایتمشاردر شو حالہ صاحب مذهب اولان ذواتک استماعی جائز اولیورده افرادک

بحثاری حقیقه ده سزه معلومات کافی بی ینه جریده فریده صوفیه ایله
عرض ایلام باقی اوله ک همیشه باقی عزیزم .
الفقر المولوی

ابن حضرت مولانا حسن سمید

الکلیات

خلاصه آمال و افکارم

کوکل اعمار ملک ایستر وطن محتاج خدمتدر
وطن احبابه عطف نگاه ایتمک سعادتمدر
نه باعلی ؟

آچیلسون منتظم مکتباز انوار معارفله
ضیادار اولسون اولاد وطن شمس حقیقتدر
زراعت ، صنعت هم امر تجارت رونق بولسون
تزايد ایلسون ثروت که بادی سعادتمدر
یادلسون حاجا بولر سهولت بخش اولوب مرکس
دیسون یکدیگره مجرای ترقی تجارتدر
نه اوله حق ؟

کورنلر سویلسون تحسین ایدوب تقدیر ایدوب دائم
بو عالم بشقه عالم حالیده بر بشقه حالتمدر
نشاط وشوق ایله اسرار روز وشب ایدر انسان
دکل دنیا جهان ایچره یابیش باغ جنتدر
آنک سکانی بابل ، نشئه می مد ، رونق کادر
بو باغک باغبانی ای رشید ارباب همتدر
اسبق حجاز والیسی

احمد رشید

مثنویخوان مرحوم شیخ عبدالرزاق علمی افندی

حضرت افرینک نظیره لریدر

کون کی شمله عشق وار کوکلدن کوکله
پرتوانداز اولور اتوار کوکلدن کوکله
» عو ایدر آینه داده قوماز زنک و غبار کورینور شیوه اذکار
» سالک سرشد آگاه ورور وجد ایله حال فکس ایدر دمیدم اسرار
» راه دلدن دله وار کوجه لساندر خاموش کیدر آوازه گفتار
» عاشقک فله نظرگاه لحدادر یا هو جلوه کردر رخ دادار
علیا اهل داک بندمی اول ازاد اول
خوشکلور صحبت احرار کوکلدن کوکله

حسین وصاف

زمان قیصه دار ایتمز . چونکه درویشانک مقابله و اجرای آیین کونلری
بر یوم سروردر . سالکین طریقت انجق مجالس ذ کرده سرور و حبور
کورورلر اجرای فرح ایدرلر . بشقه وقتلرده انلرده سروردن اریوقدر .
ثانیاً ، بغداد تاریخنده ابراهیم زهر بیک حکایه بی ذکر ایتمشده
بناء علیه مغز قرآن العظیم الشان اولان وفقهای اسلامیه مزین معروف بر
ذات شریفک

فی یدیه المثنوی وهو بقول
لیس فیها کالکتاب المثنوی

اننی ابصرت فی النوم الرسول
صنعت کتب کثیر معنوی

مدحیه غراسیله قدسیت و علویتی بر حدیث معنوی ایله مؤید اولان
مثنوی شریفدن انشای مقابله ده قرائت اولنان بعض پارچه لر دن مقدم
و آرا سنده نایک تعنیمی بلا شک ولا شبهه کلام جناب پیر دستگیره
مجرد حرمت و تعظیم ایچوندر . بوندن ماعدا ائمه شافعیه دن اولان غوث
الاعظم جناب عبدالقادر کیلانی و ابوالعین سلطان العرفا حضرت سید
احمد رفاهی ، و بدرالفضلا و اقیای حضرت سید بدوی قدس الله اسرارهم
زمانلرنده دخی طبل و دف استماع بیور مشلردر حتی شو استماع یدی ،
سکز یوز سنه مقدم واقع اولدیفنه نظراً دیمک که او وقتلر بیله استماع
تغنی و طبل و دف جائز ایش فقط ینسه تحریرندن بحث اولنجه بزه
اوکا تابیز فقط محرماتدن بر نوعه معتز اولان استماعدر یوقسه بتون
تغنی حرام اوله ماز بوکا آرتق مختلف و متعدد ادله کتیردک . بالکیز
شوراسی ده عرض ایدیم که یدی یوز سنه مقدم تبع تابعین و ائمه مجتهدین
موجود ایدی بالطبع بو حال اونلر جهده معاومدر . نایک ، دفک صداسنی
جناب منلا جامی قدس سره السامینک بیوردقلری کبی :

(چیست میدانی صدای نای و هود / انه حیی انت قانی یاودرد)

صورتیله دیکله ملیدر که مطلوب ثابت اولسون ، ایسته عزیزم آیین
و اصول مولویه بو صورتله تأسیس وضع قلنمشدر . البتده غوث
الواصلین و تاج المحققین و محضر اسرار رب العالمین جناب مولانا جلال الدین
رومی قدس سرالسامی افندمن حضرتلری بوجهنلری ده دوشونمشلردر
چونکه اولجه مسطور اولدینی کبی کندیلری اعظم و افخم فقها دندرلر .
شرعک منع ایستدیکنی بالطبع بز عاجزلردن ، ناچیزلردن زیاده قبول
بیورمازلر بو سیدن صدای نای و دفدن یعنی مثنوی قدس یارنده کی
(بشنو) دن مقصد جناب رب العالمینک قرآن کریمه (و نفحت من
رومی) قول شریفله اشارت بیوریلان حقیقت انسانیه بی خالق و ایجادده کی
رموزاتدر . طبیعت کلیه ، حرکت فلیکه ، عناصر ماده طبیعت
جزئییه ، انفس حیوانیه ، صورت جسمانیه دن بعد وجدالردن فصل
شکایت ایدیور بیوریورلر . دیمک که صدای نای بویه طویلی یوقسه بی حس
حیوانات کی طویعاملی . طبیی سزجهده بو جهت مقبول اولسه کرکدر .
» این نه بخشست و نه ملست و نه خواب / وحی حق والله اعلم بالصواب
بیت عالیسیله مقاله مه ختام ویرر وایلروده ان شاءالله وجد و تواجد